

Page: 3

Reach: 50000

Country: BOSNIA AND HERZEGOVINA

Size: 105 cm2



1 / 1

Kristofer Peti, komandant Staba NATO-a, za „Avaz“ Ohrabrujuća akcija SIPA-e protiv džihadista

Kristofer Peti (Christopher J. Petty), brigadni general i komandant Štaba NATO-a Sarajevo, rekao je za „Dnevni avaz“ da je sigurnosna situacija u Bosni i Hercegovinu uoči izbora stabilna.

Komentirajući odlazak državljana BiH na strana ratišta, u Irak i Siriju, te onih koji se deklariraju kao četnici u Ukrajinu, Peti je istakao da to nije pro-



Peti: Sigurnosna situacija uoči izbora je stabilna

blem samo u BiH.

- To je veliki problem. Mislim da je to razlog za zabrinutost svake države. Poznato je da iz većine država pojedinci putem raznih takvih organizacija odlaze na strana ratišta. Jedna Francuska, punopravna članica EU i NATO-a, ima taj problem - ističe general Peti.

On je pozdravio nedavnu akciju kodnog naziva „Damask“, Državne agenci-

je za istrage i zaštitu (SIPA), u kojoj je, između ostalih, uhapšen i Bilal Bosnić, jedan od vođa radikalne vehabijske zajednice u BiH.

- Policijska akcija koja je izvedena prije dvije sedmice veoma je ohrabrujuća. I to je dobar pokazatelj da policijski sektor u BiH obraća izuzetno veliku pažnju na problem koji je globalne prirode - zaključio je Peti.

E. TRAKO